




總宸九極隱符碧落空歌餘梨天玉清昌陽
姬虛皇高元君所佩以赤書白素九寸

廣七



杏耀璇根隱符柳摩坦婁于翳天王清七靜
導生高上虛皇君所佩以赤書白素九寸




玄景宸平隱符扶刀蓋華浮羅天玉清大明
虛皇洞清君所佩以朱書黃繪九寸

廣七



合暉宸命隱符具渭耶渠初默天玉清始元
虛皇太霄君所佩以赤書黃繪九寸

廣七



齊暉宸玄隱符冲容育鬱離沙天玉清七觀
无生虛皇金靈君所佩以朱書黃繪九寸

廣七




高上龍烟隱符單綠察實輪法天玉清八觀
高元虛皇淳景君所佩以朱書黃繪九寸上清

八景玉籙晨圖隱符

太上大道君所受玉清高上君所寶秘夫有金簡玉字名列帝籙乃得聞見自不誦誦大洞真經三十九章三寶神真雖一八間十二上願招霞服精赤景奔月結璘之道莫得佩玉籙八景晨圖玄隱之符有得隱符之子八年剋乘八景之與此文隱秘非世所聞玉清高上常藏於金蘭玉匱七映之房封以丹藥之笈付仙都左公命金晨玉童二十四人玉華玉女三十六人侍衛隱符記功明善玄真下教七十年聽得三傳自無其人封於名山不得輕真泄寶師及弟子連惹七相運濛山之石填積夜之河身及先師同充下鬼十苦八難無極之役今撰集其文明慎之吉得佩太上大道君所受隱符者當以別室燒香左右朝夕禮拜不得雜履滲穢觸真忤玉童玉女奏子之罪於高上罰以水火之考天真秘重可不慎之受符之身每至八節之日及本命日沐浴入室正中夜半惟一北向心拜冥目存三素之雲從天上西北行下覆滿一

室內外掩眼良久兩手掩耳口引雲炁三十四咽畢覺雲炁豁除有二小兒如嬰兒之狀各持錦囊一囊請八景玉籙隱文一囊請三寶神經授與此身二兒因化為二帝尊入此身中因呪曰

出玄入清迴晨華房教我授我無英白元雌一哺養玉籍洞玄三十九章萬遍胎生保魂招神披觀洞門玉符已畢身乘紫雲上謁北帝朝拜玉清畢又叩齒九通咽液三十過如此八年剋有八天玉景玄雲綠軒來請子身上登玉清宮修行勿懈勤心注玄高上所寶太上大道所尊惟在精誠秘而奉焉



高深太無極上道君隱符彌梵羅臺膏絕家丘飛元雲根之都玉清上天玉清紫暉太上玉皇明上大道君所佩每至本命日以朱書青紙服之雌黃書素帶之此符制御天下萬靈大垂魔神誑歌之鬼通靈致真誦誦無有亂者之凶佩符誦經萬遍自當有三元遺八景之擊來迎此身上登玉清宮晨圖隱符出自八元虛生之宮凝炁成章玉清紫道虛皇上君以授太上大道君佩八天無鞅之宮積七千劫付上相青童君使授季世當仙之夫世無其文自非金簡玉籙不得參聞此道高妙非素紙所能得書非口所能得言推百六之運於三代之中採擇聖佐不得不傳下世耳傳授之法當依玄科七十年內三傳夙有仙骨立盟告誓膏紫金八兩紫紋八十尺危而受焉師授信當施之寒栖之路郵窮尼之夫不得營已明科不可得而遠深自詳慎術盟負善身被風刀之考充下鬼無極之役詳而傳之量而奉焉昔周幽王時有金谷子本姓王字玄度凡人

耳忽過北岳得一玉函開見八景隱符玄度
不知書悟是神文案文佩之亦不修行遂得
三素之靈恒覆其身於此自號為金谷子八
年遂乘雲而昇今受號為九宫外仙之任坐
不備其事不登玉帝之庭此王君所傳矣

洞真八景玉籙晨圖隱符

二錄同卷

洞真太上倉元上錄一卷

庚八

洞真太上皇民籍定真玉錄一卷

洞真太上倉元上錄

倉元上錄一名太清內文又名玉鏡寶書又

名金圖瓊字又名破海洞符又名玄覽寶籙

又名人鳥山經又名金生策文又名威武太

一扶命玉晨君所修秘素靈上宮得而奉行

能飛能沉能隱能顯位為真人也

元炁流化凝上為天敷色碧碧故曰倉元文

明運度惡教好生戒示禍福學者鏡焉占朕

善惡即吉避凶出處得適動靜保全化導

功立積德道成不知此訣徒勞勤求習他小

益不免大災雖昇二十八天之上猶不免墮

落州虫之中是以上真寶秘尤密子緣遇得

閉口修之一切含炁稟倉元而生不知感悟

更增善緣任性縱橫失其元炁養生之死皆

由恣惡積滅身魁權不久嬰苦長夜未測還

期上聖辰感演述妙悉標寓自然靈文題勒
修善要法佩之服之存之誦之施行如科念
念不急不過九年必昇三清也

渺莽无極不可具言總號自然表名元炁元

炁善應化而為形形象有稱大略曰天地

天地覆載含育倉生生氣倉倉衆色第一仰

觀天形諦別其色精存其神乃得其氣氣降

周身内外洞泮長生不死變化无窮至於人

有利鈍平天有大中小中大諸天羅列元

數重累諸地同亦无缺无數諸天各有三炁

七真元央諸地各有五岳八溟崑崙須彌大

小不同隨人感得有炁各因所居利害依業

受果有在濁而清有在清而濁有上智而位

卑有下愚而爵貴有境大而凋荒有域小而

豐實有居尊而憂感有處賤而權康有為男

而頑懦有為女而雄強有外明而內闇有內

照而外蒙或先下而後高或先虛而後實或

首正末邪或前邪終正或獨或群或同或異

德品參差不可勝數无數諸天共有此等唯

大羅三天清純唯一一炁具足无所闕焉有